

海浮山堂詩稿

山堂緝稿序

余弱冠與鄉中諸子會文於青溪  
之上適治泉芹泉二君自臨朐來  
從其先大夫宦游留曹知諸子可  
與並來溪上會焉於是始識治泉  
芹泉二君暨余謬列春曹少洲君  
初授邑令邂逅京邸議論頗合則  
又識少洲君今余挂冠山中海浮

君由涑水令改教京口言念通家  
停車見訪則又識海浮君四君者  
東方豪雋之士皆翱翔藝林有盛  
名當世者也連枝競爽三張見而  
減價共被厚倫即伯淮輩不足多  
矣乃余譾陋碩得周旋於四君之  
側先後無忤其麗澤之益可勝道  
哉既而海浮別去俄王孟二文學

持所刻山堂緝稿問序余昔蓋嘗  
窺見一班而今何幸得盡覩其全  
也則嘆曰美哉先生之誤旨深而  
詞爽體峻而氣和是可以傳矣余  
將何言竊嘗觀操觚之士海內蓋  
彬彬然動則凌駕漢魏自唐以下  
不道乃模擬形象而不求諸性情  
步趨節奏而不貫於理道甚至事

不稽於典章語無關於政俗即粲如霞綺美若貫珠識者嗤之謂其雕刻無補甚矣著作之庭未可頓造而名言之士宜不恒遘矣先生少稟竒姿早窮羣籍所得既邃加之切劘於伯仲之深諳練於咨詢之久於以充拓而增益之厥覲益遠以故宣之聲律情致婉曲節奏

疏暢庶幾風雅之音布之文章條  
理分明幅尺宏闊出入董遷之矩  
取才於古人而標格甚正證體於  
作者而蹊徑全消其妙若此若乃  
談說時政如在掌上區畫張弛信  
可施行絕無溢辭允稱確論此尤  
墨士騷人所短而今皆兼之然則  
先生蓋適用之全才又不獨擅文

林之長技而已使其得位行志其  
設施不大有可述者哉余不工於  
鉛槧乃於茲集竊有契焉意大雅  
君子知言之奧必有同余斯論者  
矣迺余則又嘆長公有才無位獨  
陂門集今且盛傳次公大行蚤逝  
有作未梓觀察公柄用方顯今文  
翰流布海內甚熾至如先生位雖

不稱而文益有名此則天運難同  
人情多忌良有然者顧今海內識  
與不識皆知有馮氏四賢得其文  
而頌之且爭相傳羨不已造化獨  
厚之意生人極盛之業夫孰有加  
於是乎余因文學之請既叙其雅  
製爰傳而且感於一門多賢擅名  
天壤因併及之以寓景行之思云



先生樂府諸調別有刻茲不序

嘉靖丙寅秋八月朔旦

賜進士出身中順大夫南京太常寺  
少卿致仕前吏部文選郎中江西  
按察僉事奉

勅提督學校石城許穀著

海浮山堂詩稿卷之一

五言古詩

望遠曲

朝上西風樓莫望夕陽津夕陽照草頭蕩漾  
平無垠借問天低處無乃大塊濱茫茫飛鳥  
外望望離群人離人不可望一望淚沾巾引  
領仍摧顏極目翻長顰君今懷往居妾此悲  
徂春寸腸不自續况乃兩地身

送東渚陳丈之京師時爲禮部侍郎

行行出海曲駕言之帝州炎曦迴中天羽蓋  
征悠悠皇躬勞側席信宿故難留留濱聊  
出祖弭節臨洪流揚波濯金壘中道羅瓊羞  
趙客舞雄劍齊子宣朗謳岫雲薄蒼空冥翻  
遺蓬丘舉帷擘芬華伏軾諮荒疇良游諒不  
遠殊渥貴能酬天子居明堂群公煥皇猷  
佳氣鬱紫垣瑞日臨彤樓有時五絃動薰和  
被潛幽君子躋熙明小人承閔休胡爲戚離  
居執手空夷猶

與大名申潞石諸子飲劉氏園亭賦別

芳亭出平郊長風萬里來手持綠玉醕北面  
黃金臺生逢聖明時人文遍九垓所遭皆一  
氣不飲胡爲哉落葉響空林寒暑互相催談  
笑求今夕盡此平生懷因聞太行西虜過無  
蒿萊澶淵非北門嚴城不敢開借問尊俎計  
何以靜氛埃君看白屋人豈不抱雄才虜去  
一無慮賊來浪驚猜逝將歸故山且復傾君  
杯

送張郡丞西歸

靈禽出隴樹挺姿珎翠翮一落黃金羈翻飛  
去無隙矯矯松岡子縣縣遠途客謝彼簿領  
迷縱我巾車適浮雲銷宦况落葉被行迹西  
風由舊都殷勤故來逆入門愴異歲到家訊  
何夕稍涉丘園趣遂及塵冥隔嘯月嵇生琴  
登山謝公屐回首滔滔者雙眼獨青白

携酒訪羅海岳呂東野對菊話別三十

韻

中秋月無光  
九日菊未芳  
嘉節苟如此  
賞心  
但自傷  
滿城黃葉飛  
半空流雲翔  
雲中雙鴻雁  
哀音互抑揚  
幽懷感微禽  
攬衣起傍徨  
傍徨步前除  
俯見地上霜  
命酒復不御  
出門逢楚狂  
談笑過逆旅  
指麾齊故疆  
荒榛翳複道  
積礫餘宮墻  
麟麟車馬喧  
穡人秋築場  
隱隱管絃度  
牧笛悲斜陽  
興衰理自昔  
何不各盡觴  
黃華忽在眼  
玳瑁紛成行  
映杯不辨色  
入手相與香  
引滿更舉白  
香色淪枯腸  
腸中何

所有宛曲縈詩囊矯矯南州彥聲華振崇岡  
吳下呂阿蒙湘中羅君章乍交便刮目握手  
識琳琅有時談浩歌綿邈激清商飄風從天  
來四座皆慨慷况當三五夕明月滿匡牀花  
月既交靚詩酒恒相將九秋亦云莫幸際茲  
辰良興酣雜主賓坐久怯衣裳祗愁懽會促  
寧辭刻漏長明發即征行各之天一方仗劍  
入燕市濯纓遡清漳所期惟片月千里同相

望

羅入京呂  
將之趙

喜雨詩

霖霖靈雨零霏霏澹烟屏荷風入高閣溪雲  
度脩嶺林柯瀝華滋山禾熟茗頴田間負鍾  
人寧知短簑冷

沈氏伯仲過訪山居二首

野人掩蓬樞日晏枉嘉客斗室隘周旋臨流  
坐卷石山氣媚返景潭光靜虛碧呼酒時不  
來冥冥烟水隔

黍苗仰時雨秔稻踈新渠媿無盤中餐豈不



羨淵魚歷逕既宵寃緣源亦紆徐盤桓不知  
暝歸路將焉如

送宋一川之魏臺六首

初爲邑  
博士

咄嗟復咄嗟老驄當鹽車墜顙淚至地豈不  
戀幽遐丈夫抗奇節流名滿天涯出門闔前  
路入門悲無家

無家亦何爲悵與妻子辭結束倚市門惜哉  
非其時隋珠不照乘魚目光陸離寸心難自  
明引領將安之

引領向路岐四顧何處忽嶺禽來幽并代馬  
驚楚越守株者誰子中懷甘汨沒脉脉無與  
言相看兩華髮

流序一以邁華髮日已零  
疾憤不自持嘯歌  
誰爲聽我歸寧偃蹇子行信獨醒  
茫茫風塵際千里抱遺經

遺經愜幽尚相將在窮谷中歲卜行藏持此  
干微祿願言寡所諧壯心恒局蹙雄飛諒自  
此豈必長雌伏

行行驅羸馬送子出長安所期在平生但言  
勉加餐傍徨不能辭執手還相看有時慰遐  
睎高舉雲中翰

舍第留滯隴西屢歲不遷山居馳念悵  
然有作四首

我昔遊皇都叩爾掖垣扉中懷未得宣還望  
青山歸送我城南端執手臨郊畿一別心悄  
悄五見柳依依我歸學耕稼子行試戎衣寸  
心秉國憲萬里宣皇威刀斗宵不鳴羽檄書

不飛功成不受爵所貴知者稀出門音信隔  
還家生事微慨然拔劍起四顧流光輝

有鳥巢東溟徊翔集西極豈不愜丹霄里飛  
歛文翼隴坂多珍毛何曾覩五色疇昔能言  
鳥相見故默默吾弟信好修蚤齡抱貞則素  
心庶無忝長年不踰職寧辭世途滯所悲留  
絕域關山多嶮巇往往勞峻陟生離在萬里  
言念安可即携手入夢寐相向布胸臆寤言  
天亦方誰能不心惻

少小同筆扎出入學鴈行一時誦古文三歲  
不成章七歲閑禮儀灑掃闢中堂八歲問奇  
字十歲諧宮商十二受遺經十五氣飛揚第  
乃齊余肩少余一歲強英風在夙稟弱冠傳  
流芳再尹湯沐邑一守舜故疆二守畿輔郡  
所至吟甘棠天子方召見兩都尚書郎如何  
一麾去白首仍殊方

厥明荷鉏出騰言適南菑非爲飲啄故聊以  
供明粢上以念先人下以慰所思所思在要

荒能無桑梓悲吾能祇拜掃汝當酬明時顯  
晦各有營出處懷良規邊地阻且遙風霜慎  
自持方今重柔遠樹德良在茲

冬日鳳洲西堂命酌觀金虎集

置酒冰玉堂竹柏脩以森玄霤匝檐阿促晷  
流莫陰棲庭雙黃鵠戛戛揚其音側頸亦何  
睇中懸霄漢心夫子古斑馬才美夙所欽英  
華布方策希世羅奇琛願言良已愜命酒自  
酌斟陶然爽歸路寧知雪已深

吳郡王公元  
美鎮青州

送李使君之湖南

黃雲靄平陸朔風送飛軒野人望旌旆脉脉  
不能言生長草澤中不知縣吏諠忽聞胡兵  
來羽檄如星繁壯者行負戈老弱餘築垣幸  
茲轉南畝所賴明公恩公今去何之誰哉當  
北門良時不可留采翮思高騫悠悠四方志  
萬里何足論清湘濯寸心持以荅 至尊

七里溪別墅五首

家世啓文學嗣續業益振伊余稟微尚願作

草莽臣豈無珪組念志士多苦辛鑿井居自  
汲上山行負薪既來此溪側稍得邇城闔言  
笑翳桑麻燕婉展所親禾黍日已長田功飭  
以新佇望歛嘉穡金玉非我珍宣父耻學稼  
四體焉能勤剛述有餘思國風終于豳

弱冠嗜遠遊夙嬰山水癖心將跨十洲氣已  
吞七澤中歲頗用晦買築南山宅濩落三十  
年種樹高百尺無那營微名去作幽燕客五  
斗不下人浩歌弛行役移居七里灘似躡嚴



陵迹雖乏山中趣聊喜足泉石列嶂遠刺天  
還流抱村碧干祿非所長乘時登宿麥

長夏度微雨返照霽色澄野人愛禾稼抱膝  
坐田塍盈盈明月移庵忽浮雲升流光奮不  
見清興安可乘徐步登高丘還望齊故陵日  
夕牛羊下迤邐渡淄澠伯圖委荒草誰知廢  
與興年年目前事悲來自自勝

從來知遠辱至人貴自全不羨公與侯所志  
受一廛吾家有舊業乃在城東偏一丘藏一

整宛轉依清川生涯故不常中道成棄捐棄  
捐從此去一去二十年非無五畝宅在邑多  
糾纏幸茲協初心歸我汶陽田

我田無遠近處處綠澄溪朝發巨洋潁暮泊  
冶水栖野航流北陸香稻來東齊豈伊貴異  
穀美利貽烝黎名山近村落追散恒攀躋  
仰瞻霄漢遙俯眺浮雲低翩翩比翼鳥乃在  
太行西終歲不合并激昂飛且啼

鴈湖釣叟

山川一何脩天地一何久浩浩煙波際中有  
蕭條叟月出青草湖雲生具區藪萬物莫我  
嬰一竿常在手朝亦理釣絲暮亦理釣絲垂  
綸不設餌得魚寧無時機念一以息逸樂良  
在茲放歌忽弗禁飛起雙鳬鷺

始見山

時歸自京師

明發發陽縣望見長白岑雖非夙所棲聊以  
慰我心佳氣藹葱蒨萬木儼以森駕言向東  
麓紆回陟其深飛塵隔清流愆陽恩重陰伊

余厭行役惻惻懷至今

哭傳中丞凌川

代家君作

大化日錯迂培覆理已訛驚風捲地來長松  
彫其柯松柯一以彫其如蒿與蘿夙昔同門  
友感君時琢磨壯心交飛揚相將逐恩波浪  
迹三十年浮沉其柰何中道子偃蹇長年余  
蹉跎鬱陶知不淺歡晤苦無多君當謨明堂  
予合歸山阿引領望宋都棠陰日婆娑厲節  
屹高嵩沛澤揚洪河天星沉輝光不得長森

羅國老一不遺何以蘇民病卓哉絕筆章抗  
言蠲煩苛中原百萬戶雪涕興謳歌輶車逝  
遙遙玄塞何時過萬山阻遼海千里隱虹螺  
幸有客囊空可以凌嵯峨

輓蘇尹

明公舊祿隱偃蹇不偶世晚築他山居飲我  
泉谷嗜俯仰力好古慷慨披往志注心河上  
翁結情漆園吏蜉蝣達生死雖頭等塵事百  
年信飈衝四運轉鱗次華髮久垂頰曜靈無

緩轡浩爾君不留誰能不歎逝屏息隨淒風  
弭迹淪幽邃長謝逆旅間居然歸所寄

李翁震輓

驅車青鳥墟還望白狼河山勢走恒岱海日  
騰金波名都雄在昔伯氣歸山阿所餘王侯  
墓千載空烟蘿至哉河上翁頽然抱玄和去  
去遊太清翩翩遺網羅世人那復識時見青  
牛過不然跨脩鯨策以珊瑚柯探源盡銀漢  
絕景凌羲娥俯首笑塵曲五嶽何微麼仙姥

駕飛霞手持碧玉荷瑤池信竒瑰蟠木長婆  
娑浮生故無聊憂樂苦自多慘目牛山望摧  
神曳杖歌百年返其真感歎夫如何

輓董郎中

先爲縣令  
太僕丞

步出齊城門遙望城南丘新松儼行列白日  
風颭颭上有哀鳴禽下有鹿豕遊借問逝者  
誰舊日河陽侯惠風扇百里霑澤流千秋天  
閑壯帝圖地卿弼皇猷功高拂衣去浩然返  
故州故州多親昵眷言締綢繆置酒臨崇軒

當筵錯庶羞飛觥左右至度曲鳴篴篥詎爲  
離別苦惜哉歲月邁懽燕此良時奄忽如星  
流浮雲不可羈朝露誰能留人生樂不樂末  
路空悠悠

贈博興張丞遷慶藩公正

涇陽人

晨出郭北門高駕不可留丈夫自有志何必  
萬里遊氛薄中華胡馬乘邊州狼烟接天  
起羽檄如星流將軍惜一戰郡縣罹百憂催  
徵紛無紀鞭箠不敢休民命安可恤軍令恐



見收籌邊之上策歸計非忠猷恭承聖主  
恩移官邇林丘王門曳長裾巖廊何清幽  
借此成祿隱平生足優游豈不懷故人悵望  
東海頭幸因金風族尺素慰綢繆

長安道

驅馬長安道春風何浩浩王孫遊不歸沙陌  
無芳草感此成太息憂傷我懷抱畏途阻且  
脩聶堂難自保疇昔丈夫志立身苦不早塵  
埃滿征衣焉得容顏好

姚長山園亭同江萬山陳五山童三山  
王竹區楊雲岳錢孟山蔣靜觀讌集辱  
示吟社賞蓮之作既而分韻賦此得新  
字十六韻

炎陽駐脩畧杪夏流雲新南風散薰和北窓  
怡天真高卧澹遐想上與羲皇隣有時悅鉛  
槧寧無知者論姚合富篇章燦爲希世珍華  
園結芳軌良會及茲辰彼美盡東南促席羅  
鴻賓草玄飽經術下榻諧情親將軍通六藝

麗翰氣益振夢筆瞻文彩看竹忘主人求羊  
既莫逆湘瑟信有神縱談何疊疊式禮亦彬  
彬丹藻映瑤卮緇蓋翳綸巾嘯詠一以合珠  
璣雜然陳妍姿並群藻濯濯離清塵妍姿有  
彫零群藻無磨磷

有懷鳳洲使君蕪呈仲氏麟洲先生二  
使君假黃鉞芳齡鎮青溜義格友側心化行  
任俠兒英風動遐甸柔翰通神奇頻令稷下  
生從此敷文詞蹇余事幽尚卜築南山隱耕

牧三十年貧賤諒所怡詎能念陸沉豈復干  
明時恭承賁仁園野人駭旌旗招我霜華館  
示我金虎詩慰我長安行幸觀夷甫姿徐麾  
玉塵柄迥立瓊樹枝衛玠共絕倒滕閣有夙  
期如何一相失千里遙相思

阮籍憤窮途賈生多痛哭天運無常盈人事  
乃反覆明德方彙征變故俄相蹙君子違吾  
邦民今竟無祿苛吏日睢盱文學遭黥扑遂  
令避世人不敢留空谷結束事遠遊來傍金

焦麓金焦富題詠  
礪雜蒼敷忽覩琳琅篇  
剔蘚欣一讀因之想風采  
炯然如在目世學  
貫三才家聲游四隅  
神君啓諸荀龍駒騁小  
陸藝苑接天衢  
玉昆並騰逐伊余滯京口  
非以甘幽獨  
博物析方言問奇珍  
尺牘悵望子雲亭  
儻個駕偏轍偏轍  
那能前寸心空碌碌

閣居早秋

閒居觀萬象  
大火流忽西  
素月升雲間  
入戶風淒淒  
長松薄高旻  
玄蟬上下啼  
寒暑有代

謝造化無端倪

虛閣澹幽尚豐林避殘暑游衍亦何思悠然  
獨無與新秋滿天地澄江帶吳楚極目停雲  
端黃鵠忽高舉

一氣始瑟瑟四壁來秋聲端坐不成寐感此  
幽居情皎皎明月華漠漠浮雲征餘芳恐銷  
歇光景憐孤清

溽暑思清秋秋至感興多高吟暢幽懷非爲  
勞者歌玉宇啓新涼銀漢明橫波橫波隔牛

女良夜其如何

郡齋隱重城而不近闐闐幽怨風自開死與  
青山對窺園曳長鏡秋草多蕪穢回首望蓬  
瀛飄然一興慨

離居欲無言逸德必有鄰丘壑諒匪遥寧之  
素心人山中有樵子江上多垂綸豈無金石  
交所貴守其真

題鼓泉卷爲黃廣文作

厓父興東周四國無停驂金輦既淵洪木鐸

亦窳窳大成有希音至教存具瞻桴鼓荅其  
響始知吾道南韞韞振頽波華彩映澄潭承  
家求孝思好古窮玄探八風已宣暢六藝今  
沉酣名世盛文藻奕葉多朝簪合并見交心  
慷慨聆高談回首瞻白雲萬里飄晴嵐

東次甫

送子遊東岳五月渡長淮誰言獨往人中道  
臨當乖乘流豈不返因以安予懷一諾重平  
生三年今始諧心期在山水所貴散朋儕秋



日動遐思良夜閒高齋螢火照裳衣蟋蟀鳴  
庭階何時披素襟一笑遺形骸

何柘湖宅同黃質山郭五遊張壺梁宴

集

輕舸繫胥門緩步歷吳市吳下多豪賢往往  
競芳軌嘯歌滿天地同聲有數子長揖几席  
間頗盡東南美燕昵乃夙期晤言無逸畧匪  
以玩羣情且復暢名理浮世自流易斯道豈  
終毀余亦倦將人合并方自此

同諸子登西城步至要離墓上

攜手步城隅前有壯士墳一朝秉大節千載  
揚烈芬死作干城將永垂磐石勲封樹自古  
昔佳氣日氤氲不然翳榛莽踐履牛羊羣萬  
物幸所託倚伏信糾紛熒熒太湖月濯濯陽  
山雲月以流耿光雲以呈靈氛

謝熊太學惠古琴

金閭有高士遺我千載琴塵境不可留携登  
虎丘岑輕風來谷口明月懸天心一奏山鬼

山陰上片言牙ノ  
嘯再奏江雲沉沉響未絕寂寂夜向深不  
逢鍾子期片石乃知音

坐花亭為蔣山人作

靜觀達者趣小築幽人棲宛轉三山側逶迤  
鐵甕西海日隔城出江花拂岸低香風浩蕩  
來好鳥上下啼孤舟閑夜壑一雨盈春畦時  
藥行荷鍾入閤還杖藜吾生自有適物理詎  
能齊悠然虛亭中兀坐窺天倪

訪郭五遊因贈焦山僧

淨緣本無相靈境夙所稱言尋方外友偶識  
山中僧澄江一以眺絕島時復登素心恐惆  
悵塵鞅安可嬰

### 惠山泉

此中酌泉水好水復好山入山僧亦佳坐我  
空谷間摘茗瀹新芽爲我開心顏是時春日  
遲花鳥亦自閑緣源歷幽徑倚杖相與還我  
欲捨輕舟因之學閉關

去路不遑息迴舟此羈纜石潭洞空碧禪宮

炳虛紺危巖亦可乘平注一以瞰鬱紆發秀  
覽窈窕獲幽探盈盈雲氣流漉漉泉聲暗偶  
揮方外人素心良已澹

登虎丘寺塔

岌岌乘雕甍盤盤躡泰清千里聊寓目四山  
不識名上方動天籟下界鳴倉庚袖間雲日  
麗足底烟霞橫歷覽撫八窓但恐天柱傾長  
嘯劃然發飛仙空外驚東南望遠海西北瞻  
神京萬物昭元化其如遊子情

海浮山堂詩稿卷之二

七言古詩

題閭山觀音閣壁

即北鎮醫無閭山在遼左

馮生生平耽奇賞五嶽皆有馮生蹤遠探勝地興不極不知近在醫閭峯家山最有醫閭秀遊子歸來問朋舊高人四五雅有情登臨正及悲秋候謝公健足輕嶙峋褰衣直上如有神恠石齧穿東郭履懸崖礙倒華陽巾會臨絕頂跨寥廓翩然回憇山腰閣閣起山腰

勢已尊咲看九宇何蕭索蟻封叢尔一城區  
蝸角對出雙浮圖遙瞻白雲隔滄海田覽太  
荒環羌胡泉飛龍口灑眉睫意興橫生山可  
挾騷客題詩拭翠岩山僧煮茗然紅葉天公  
注意詩酒豪夕陽未下片月高掌上百杯作  
牛飲胸中萬事真鴻毛坐卧莓苔不知久酒  
力耐風風遣酒起來咄嗟下山去吾曹還是  
風塵偶

上巳日作時落第客京師

三月三日東風惡滿城桃李都搖落乍隨飄  
颺入重雲還自低回委深壑長安道上東復  
西曲江池邊路轉迷飛空不解作紅雨著土  
豈得爲香泥風聲如雷塵如墨行道之人長  
太息春光猶有三之一千樹萬樹無顏色花  
開花落會有時抵死不分狂風吹但願周流  
御溝水寧辭遠別上林枝溟濛瀕洞滿天地  
倉皇未識東君意不遣紅英點翠苔玉堦那  
得留餘媚君不見昨日花開枝葉青折來插



之霞玉餅盡堂不省紅塵到裊裊花氣芬中  
庭又不見樓頭小婦深閉門晨起竟日寂無  
言捲簾欲放飛花入撲面驚沙總斷魂

月夜招同邑張文學飲不至走筆戲贈  
狂生把酒慣對月但怕尋常風雨夕不合今  
來月待人可惜當筵滿虛白玉免操杵寂無  
聲冰輪在天遲不行嬋娟此際若爲情笑殺  
張郎太俗生張郎頻年不入城此來一見歡  
相迎高情豈願尚書約痛飲誰拚力士鎗借

問爾來緣底事汗顏俯首叅公吏不然孤旅  
親僮僕可耐故人招不至百年此夜能幾時  
月不負人人負之擲杯大叫不見汝仰天望  
月憑寄語

五友詩

五首

海岳子作五友詩海浮子倚歌而和焉五  
友者爲松爲竹爲梅爲竒石爲鄴溪子海  
岳子爲濟陽黃氏鄴溪子爲壽光李氏其

詞曰

我所友兮在徂徠欲往從之路悠哉天風怒  
號萬壑雷帶霜移植凌虛臺美人遺我琥珀  
盤何以報之青琅玕虬枝鐵榦干雲端頤言  
與子長盤桓

我所友兮在渭川欲往從之路渺綿蕭蕭千  
畝離雲煙因風移植西堂前美人遺我丹鳳  
雛何以報之尺素書亭亭直節干太虛頤言  
與子長相俱

我所友兮在羅浮欲往從之路阻修凍雲霏

霰風颼颼芳根移植臨清流美人遺我玉壺  
冰何以報之寢瓊英暗香浮動月色澄願言  
與子長合并

我所友兮在崑崙欲往從之思高騫洪河觸  
鬣勢若吞移來猶帶靈雲根美人遺我金壺  
墨何以報之錦繡臆峻嶒上與赤霄逼願言  
並立玉堦側

四友并兮我爲五孰爲賓兮孰爲主朝余與  
居兮雪堂夕棲息兮玄圃美人遺我瑤華音

何以報之歲寒心矯矯五友兮交結深千秋  
契合兮蘭與金

七歌行

效少陵體歷下作時有墨吏煽禍齊魯間六郡甚苦之予亦致至歷下久之乃解

有客有客山中來淒淒逆旅嚴城隈風寒四  
壁夜如洗黃雲塞空旦不開同舍書生半霄  
漢故園籬菊今蒿萊嗚呼一歌兮歌始倡歛  
歛僮僕愁相向

有弟有弟遊秦川羗胡萬里雜腥膻薄祿棲

後二十年孤臣何事猶在邊  
癡兒家食但力田  
覘之有時室無烟  
嗚呼二歌兮心獨  
苦涕泗縱橫不見汝

黃鵠黃鵠何所慕  
危巢困輪海東樹  
汗漫朝翔八極雲  
號鳴夜警三更露  
勁翮低徊就羈束  
嗟嗟何當弋者怒  
嗚呼三歌兮氣慨  
慷飄風拍拍吹我裳

年來生長四五子  
玄冬落莫空山裏  
大者依稀識姓名  
別時弱嬰病欲死  
窮愁有夢不成

寐擘衣躑躅中宵起嗚呼四歌兮憂思沉驚  
鴻爲我揚哀音

誰家老翁泣路岐相看滿眼皆瘡痍中原流  
米方千里不知何地堪流離驕胡南下牧羊  
馬赤羽徵兵逐島夷嗚呼五歌兮聲中咽我  
歌胡爲泪如血

枯桑野火隨風發千山萬山然倏忽轟騰剥  
裂荆山璞百萬形生化爲骨蛸翹蠕螻一時  
盡炎光不照豺狼窟嗚呼六歌兮歌且吟倉

卒不測天地心

山中人志不伸隕然垂釣河水濱偶逢河上  
丈人語問谷出處倍酸辛男兒四十未致身  
窮途屈曲怕問津洞口閒雲遲行跡歸來老  
作無懷民嗚呼七歌兮歌既闕出門仰天見  
明月

雪後走慰嚴石谿邂逅淮川王尹官舍  
夜歸旅宿感而賦此

良友駕言邁離別不足歎風雪滿天地其如



行路難我行十里餘一步一驚骨岸谷無高  
深馬蹄互騰沒惜君勸君信宿留何幸當筵  
坐超忽桐江風槩還可親河汾矩度意更真  
紅爐石鼎生陽春一談一咲皆經綸我歌恐  
作踈放態堂上不合留山人歸來逆旅愁寂  
寞壁穴參差風力惡空榻堆塵強栖託雙膝  
拄頤肌如削擁裘起視夜向分何物嚴城罷  
鳴柝非烟非霧氣蕭索小星熒熒月華薄山  
陰短棹那得前長安僵卧何曾著乃知子猷

不盡興素生未息機夜深氷在手晨起寒無  
衣卽事吾今亦復爾二賢安足爲世希君當  
行行且止賢侯况是君知己把臂論心無定  
時等閒悵望滄江水

梅花草堂歌贈夏南叔之任徐州

江南處處梅花好江北空聽梅花名梅花主  
人到江北頓令海岱香風生海浮漁者山中  
子經年不一入城市獨喜對君格韻竒如在  
梅花草堂裏清談竟日方卓然意氣相傾今

幾年有時嘯傲滄江水我歌白雪君叩舷憐  
君匹馬翩翩去青徐地接迷烟樹聞道南中  
驛使多折梅寄贈更如何

壽李四岩

時與郡人作詩社  
宗藩招入寅賓館

長庚長庚光燭天芒角四出何森然不逐繁  
星共璀璨常隨太陽相後先新秋七月金氣  
王晶熒化作李謫仙天仙之才信無比須臾  
斗酒詩百篇只今新詩滿人口共傳妙筆飛  
雲烟致身何必供奉班愛才賴有東平賢醴

席賓師荷知遇吟壇盟主長周旋今夕何夕  
爲公壽披襟把酒涼風前踈星歷歷月半弦  
酣歌四座夜不眠况復今年值餘閏不辭酌  
酹重當筵

一禽言

鳳凰不如我竹實醴泉真瑣瑣何不委形濁  
世中飛鳴飲啄無不可鳳凰不如我

得過且過風雨冥冥集欲墮飽煖當時不自  
知炎涼此日方叅破得過且過

二禽言

富貴州作

行不得哥哥橫山縱路長茅多側目但逢征  
馬去吞聲不見歸人過鷓鴣鷓鴣爾莫叫奮  
飛好去當津要長安道上車如雲胡爲哀鳴  
向遠徼夜郎逐客祗餘我亦知歸興烈於火  
腹中自有鷓鴣鳴更悲借問能言之鳥知不  
知萬一一旦從此辭回頭願爾叫阿誰

歸去樂荒煙一堊山花落夜月原頭血吻新  
斜陽枝上聲如昨聲如昨長相語微禽丁寧

或可據獸蹄鳥迹難久遊故國關山不爾禦  
不知爾家樂不樂祇是此中風雨惡吾非有  
翅不能飛喚爾醒時吾亦歸

五禽言

支鰲支鰲眼枯盼得麥秋到三青兩黃兒啼  
飢生炊濕擣救燃眉東家富翁麥未割田婦  
摘穗掌中剥五月縣吏開麥倉老農奔走無  
餽糧

報穀報穀透犁好雨夜來足不愁田中惡草

多但願年年風雨和夜來雨急風聲惡聞道  
村南一尺雹老翁歸來語老妻村中報賽烹  
鳴雞

豁開溝溝水東西流麥場礮聲漸急黃犢  
橫奔汗如泣重雲黶黶四望集頃刻那能辨  
原隰天之未雨溝不開枝頭啼鳥爲誰哀  
向前還好可惜今年種田少早知今年勝去  
年即死不賣山南田欲向靈禽頻借問禽言  
知遠不知近能知歲事報陰晴不知官租重

與輕

開開門避避雨門外水深一尺許五月亢旱  
六月蝗行人不忍看路傍槁禾得水未蘇息  
驕陽一出水如湯吁嗟但望來年熟不恨今  
年雨不足

題萬西原別業

時爲吏部選郎

章江兮月霽美人兮西籬渺州原兮極目曠  
怡神兮天之際丹霞兮緹緹鳬雁兮與飛葭  
蒹菼兮葱蒨草樹蔚兮芳菲松栢兮當軒莖



蕙兮閨門綴薜荔兮碧嶂緝木槿兮朱垣江  
之裔兮溪之滸桂爲堂兮玉爲宇朝予儕兮  
華坪夕憇兮橘園蜚龍兮雲中虎之嘯兮以  
風澍九州兮噓萬象君胡爲兮溪之上秋宵  
兮愁予目眇兮望汝晶明月兮嬋娟光離  
披兮下土山有木兮水有波君之來兮駕文  
驛歸不可兮驟得聊逍遙兮寤歌

春雪行

在漆水作

三冬融融天道別似覺春光先漏泄嚴威陡

作十日寒瑞氣平分兩年雪先春後春總及  
時遠山近山爭獻奇浸淫只有土膏得珍重  
不許天風吹天風吹落還自舞意態依人薄  
窓戶片片能消縣吏愁飄飄解度老農苦常  
年對雪醒詩脾今年見雪開愁眉呼童命酒  
復不御坐看庭樹擎華滋爲愛堦除慎莫掃  
纖纖著地皆鴻寶齋居鎮日人迹希只恐催  
租更草草一秋催徹四歲租那堪縣吏筋力  
枯縣吏筋力安足惜吁嗟民命何時蘇

大江行贈見源黃子

頃予偃蹇都門，繼讀黃子於吟壇方切，傾  
慰再訪道院，迺獲初稿二卷而歸。其所譔  
述指陳大端，略悉矣。高矩在茲，撫卷賦贈。  
蓋紀好會有人，亦以識感云爾。

大江東來，勢拍天元。形元氣摩，相盪混涵，關  
闔了不分浮空一色。浩沆瀟，仰觀俯睇，四曜  
出震，烏兔紛來往。尋常風寂，波不興，遙遙  
千里，平如掌。若非金焦峙蒼岫，眼底誰能別

霄壤湏臾習習天風吹清漣宛轉生淪漪有  
時雪浪捲雲起驚衝怒搏騰蛟螭天地大觀  
信在茲當其要會鍾神竒地靈人傑有叔度  
胞次汪汪千頃陂淵澄滉漾渾無涯世人那  
能清濁之南華秋水不足道東海望洋空爾  
爲我昔束髮江上來題詩猶在鳳凰臺愛水  
一生非夢渴逃名百計豈懷才只今浮名逃  
未得老大徒悲寄京國逢君却憶江上時相  
看令我心中惻看君意氣遠更清迥然如望

春潮平高歌古調滿人耳泠泠座上聞江聲  
把君雙卷喜復驚沉渾迭宕難爲名水底珊瑚  
洩神彩蚌中明月搖光晶縱橫豪氣誰與  
爭鼓濤出沒吞舟鯨談詩不落江西派結詩  
聊尋洛下盟何年浪迹長安道笑殺人情太  
草草空令子衿猶自青不重江河重行潦見  
源見源窮冥搜崑崙之顛天盡頭九垓八紘  
諒可歷與爾新期汗漫遊

霞川行送薛子熙歸越中

瑤空片片霞如綺流光絢爛清波裏俯仰乾  
坤氣欲溷悠然上下皆雲水碧水澄澄雲濯  
濯但有輕清無重濁只教瑩淨豁心神眼前  
何必堆名嶽風行水上成至文況有離披五  
色雲龍章鳳彩相照耀越羅蜀錦何繽紛何  
物飛來千里霞欲去不去滄溟涯蓬萊三山  
奪蜃氣扶桑析木添瑤華明霞冉冉光可挹  
飛來帶得鏡湖濕要依紫極繞璇題懶向丹  
巖封玉笈翩翩飄逸自卷舒漠漠太虛隨所

如春深猶戀黃金闕  
秋秋還過青鳥墟  
春深秋秋物華改  
惟有丹霞駐精采  
飛來飛去總無心  
即從北海之南海

靈椿行

靈椿一株蒼玉寒  
樛枝千尺玄蟠  
秀拔高標插地起  
困輪華蓋當空團  
翠葉葳蕤披雲  
端天風不動聲  
珊珊上有迴翔和鳴之鵷鸞  
下有九莖三秀之芝蘭  
捧日輝煌碧琬琰  
擎天屹立青琅玕  
我聞此樹八千歲  
爲春八千

歲爲秋從來奇產有神理南華之言非繆悠  
九地栽培承天休百靈呵護豈人謀瑞烟裊  
裊香不斷玉露垂垂翠欲流我欲因之問真  
宰定知神物幾千載北斗平臨還相盪南極  
遙瞻長不改一元之氣何茫茫盎然生意回  
三陽氣轉千林盡萌達春歸百卉齊芬芳舒  
遲旭日昇暘谷滴瀝華滋在喬木條風習習  
扇微和千枝萬葉重簇育美蔭已庇黃金臺  
靈根夙託燕山隈華實尚充神仙餌柯條賸



堪梁棟材老幹去天纔尺五層霄沆瀣足吞  
吐長將枝頭一片雲散之八荒作霖雨

何辜歎爲茂才黃有賦有中丞安厓公  
仲子爲其姊雪仇被繫歷下余憫惻焉  
乃賦此詩尋出之

黃公子爾何辜窮年汨汨淪泥塗而翁舊作  
名世儒玉堂青瑣曳珮趨明廷議禮攄忠  
謨天顏忽霽寵渥殊迴翔臺省威惠俱英聲  
妙譽動八區隨風矯矯雙飛雛汝時目爲千

里駒顧時佩服閑且都遨遊海上膽氣虀腰  
間短劍玉轡韁手持一雙金僕姑呼朋把酒  
歌嗚嗚不省世上賢與愚一朝第宅秋草蕪  
但見公吏來追呼倉皇竄身東海隅舊時見  
者相嗟吁借問公子何所驅同胞骨肉爲人  
屠誓將復之身力孤寧知跬步遭艱虞啗寃  
赴愬口囁嚅橫罹鞭撻無完膚叩頭血出甘  
自誣伏法抵罪且暫蘇功名棄擲不復圖饑  
寒焉得謀妻孥言之酸心淚涕濡傍有二卒

執其軀束縛西來就幽拘負墻骨立如朽株  
三日不食肝腸枯隆冬籍體乞束芻郡吏急  
索心鬱紆安得幻術飛青蚨歷下幸際賢大  
夫廉明文雅近代無見之太息爲踟躕目頒  
升合朝夕需我亦阮子泣窮途少年浪跡尋  
五湖逍遙萬里筋力輸歸來寂寂掩繩樞耻  
向齊人學吹竽誰當暗裏投明珠通都大邑  
饒穿窬深山窮谷何崎嶇西北諸道馳羗胡  
東南衮衮來倭奴邠堪郡縣多逃逋此身四

顧將焉徂直欲乘筏訪蓬壺邏者得之當成  
俘俯仰天地悲吾徒握手相訊日欲晡爲汝  
且復立斯湏何能出汝走交衢黃公子爾何  
辜

余方爲仰天山之遊適聞徐我亭見訪  
遽歸村候焉至則行矣留題在壁笑而  
和之

登山百里身入雲看山不足歸候君君胡不  
留渺然去山靈騰笑何紛紛仰天笑我空碌

碌海浮之山笑君俗有山有水無好懷安用  
題詩在茅屋

送獨徃生遊泰山

吳門郭次甫亦稱五遊山人居焦山余屢  
訪之不值既獲晤言便自此別詩以見懷  
五遊山人遊岱嶽從此巖扉無剝啄我家乃  
在岱嶽傍主人薄遊來江鄉君今爲主我爲  
客涉江訪君空嘆息岱嶽無因問主人何如  
却掃焦山跡

高山行奉謝吟社諸公

江城吟社九人  
江萬山陳五山

重三山王竹區姚長山楊雲岳錢孟  
山蔣靜觀同余飲於長山之徐來亭  
分韻賦詩見貽許釜山以村居未預  
茲會叨入吟社得觀所作因言及之

放舟自淮浦卧見江南山江南之山信奇絕  
我來乃在江山之兩間郡齋兀兀情脉脉出  
門長揖山中客何意山中五六翁一時共集  
長山宅江中之山浮翠螺江上之山鬱嵯峨  
三山秀拔不爲少五山聯翩寧獨多更有萬  
山最深處直與蓬萊三島連亘相森羅三山

鼎立五山嶽分盤礴萬山浩無垠長山蜿蜒  
白龍走雲岵吐氣常氤氲釜山突出孟山伏  
竹區一圍山矗矗亦有幽人好靜觀結茅乃  
在山之麓而我夙抱丘壑情海浮舊是山姓  
名西連泰華東蓬島與君無乃通寰瀛諸君  
藝苑稱獨步不但登高能作賦老來健足勝  
謝安雙雙羨有登山具興酣飛鳥何飄然須  
臾直上岌嶮之危巔矯如冥鴻接翅以遐舉  
又如群鶴起舞而蹁躚濯纓碧漢摩頂瑤空

手攜列宿足躡剛風忽忘饑渴餐沆瀣恍疑  
寥廓開洪濛俯覽大塊能幾何渺然不辨江  
海波極目兮太息感懷兮興歌神仙飛來澹  
延佇南極老人坐相語要眇兮莫宣玉函兮  
昇汝江城吟社爾數公平居每與山爭雄登  
山有約意俱遠看山不足詩轉工分題徃徃  
韻滿百揮毫不停斜岸幘少陵之後豈多得  
到地金聲試一擲瀟然旅客留江城仰止吟  
作高山行高山有人何磊磊中林伐木長丁



丁南來意亦耽登眺操觚勉爲希同調吟社  
招尋許重過迂踈恐博江山笑

七夕行

迢迢良夜幽期逼郎不耕田女不織銀河清  
淺路可通經年別後歡相即烏鵲不飛毛羽  
摧爲言天上填河來涼雲片片雨瀟灑雙雙  
淚墮相向哀銀河一轉一周天不轉雙星若  
箇邊五緯珠聯有聚會雙星缺絕無推遷東  
家美人顏色姣手弄輕絲風亂攪一年一見

計已踈如何乞與人間巧

鼓泉行

丹徒博士黃先生嶺表世家也學行教法  
無忝前脩縉紳名流咸倡鼓泉之詠余因  
之爲長句以嗣遺響云爾

鑼鼓山下鳴流泉山水擊搏聲闐闐隱如轟  
雷迅霆起平陸怒如脩鯨文鼉吼重淵顯穹  
未闢洪濛先巨靈蟠結西南天上有嶽嵴萬  
仞之危巔下有滌迴百折之長川滔滔千里

流不竭直與滄江瀚海相涵沿洞口郁郁雲  
如烟蜿蜒老龍水底眠有時鞭龍作霖雨須  
臾需澤霽霽盈八埏古來達士依巖穴地靈  
翕合鍾人傑家學綿綿啓後昆朝紳往往追  
前哲鼓泉主人來江城琅琅秉鐸振金聲絃  
歌學道真吾事言偃于今有令名

南涯仙翁眉壽歌

瓊樓隱隱仙翁家乃在長江天塹之南涯南  
涯佳麗稱第一扶輿清淑生瑤華銀河涼夜

流精彩高秋八月通靈槎乾坤蟠鬱名山川  
閼深窈窕藏羣仙下有七十二福地上有三  
十六洞天福地半幽杳人間信有江南  
好六沙四鎮小十洲金焦北固真三島靈脩  
結成不死藥福田種出長生草南涯仙翁多  
福田但於心地求真詮烹茶自汲中冷水冲  
襟灑濯方通玄江上蛟龍忽飛舞欲挽洪濤  
作霖雨製錦花封映列星含香粉署紆華組  
三郡太守稱賢明殊方連帥倚長城急流勇

退身未老高風晚節神更清歸來江上二十  
載岸幘行歌何磊磊江草江花歲歲生秋風  
秋月年年在庭前蘭蕙香氣凝惓然膝下羅  
孫曾三湘有子傳世澤遡洄直上天光澄我  
聞江水之源乃在岷山之陰岨峽之麓初出  
雙流可濫觴邇來萬里成神瀆一元蕩滌自  
古今兩涯呼吸無川谷南涯之南多秀峯蓬  
萊對削青芙蓉試上高丘望遠海悠悠千古  
長朝宗

崑崙羣仙歌

壽封君馬寒泉翁大同人

我聞崑崙之山高萬里上有天柱直插天周  
迴屹立圓如削下環九府藏群仙瑤宮絳闕  
隱香霧霏霏五彩雲霞護逍遙白玉三重階  
玃璦黃金九層路天長地久栖翠微千年萬  
載流春暉西池出使青鸞舞南極凌虛白鶴  
飛雙虬並馭雲輶車仙之人兮列如麻八琅  
之敷空外奏叢霄之笙響清晝鱗裳羽節紛  
離披安期羨門來遊嬉瑤盤初薦班螭髓玉

七共抄素麟脂老仙何事笑掀髯  
一元太極手中拈  
不管山樵柯已爛  
那知海屋籌重添  
古來雲中輒上谷地靈近抱崑崙軸  
赤松黃石遊人間  
綠筋紫腦應仙錄  
仙翁仙翁今赤松  
玉皇已授大夫封  
鳳誥翩翩下九重  
高軒五馬如飛龍  
再拜進觴為翁壽  
但願羣仙歲歲長相從

送劉誼菴之曲江

江天六月雨乍收  
平江水長東西流  
千里樓

船從此去一杯祖帳那能留  
尙晚江頭送美  
人江籬薜芷芳堪紉行間  
且復聞笑語別後  
高風不可親中流鼓棹揚  
飛旌南薰習習遙  
相迎虞絃解慍  
聖朝事此地曾奏簫韶聲  
簫韶寂寞幾千年復有絃  
歌今尹賢嶺表于  
今頌聲作正看日月當中  
天

喜雨行上吳太宰望湖

六月以來旱至今嗷嗷萬  
姓愁予心道傍行人多  
暵死井上轆轤汲泥滓  
良田圻裂禾半



枯野老仰天空歎吁驕陽熏灼亦已久雲雷  
震蕩還虛無兩朝冢宰調元臣身先百辟  
和神人三秋歲事頃刻改一雨乾坤氣象新  
我皇側席事修省萬國臣民方引領只今  
海內病已蘇佇看田中發禾穎

西津折柳卷送蔣山人有序

山人雅好書史尤喜學詩既與郡之名輩  
結社海岳菴中而余守博士職多暇時獲  
過從詩社嘯歌之餘聽談名理輒復稱一

快事宅介山水之間小構坐花亭不翳籬  
落四望迥然江南諸峯盡獻眉睫而浩乎  
長江衿帶其背亭中國翰題詠悉社交墨  
妙而周旋其間者亦無他人吳下獨往生  
時一至焉已復入浮王山中然余未嘗不  
共坐談即余入山亦未嘗不共山人往迺  
余應滇南之役逾年歸郡復苦奔命旦夕  
擾擾不任煩憊已而卧病齋閣山人叩門  
難起余而揖曰繫余將爲鄰門之遊願有

言以重行色。圖出詩卷以示。即同聲高調。  
情脉脉不離。已顧余既爲賦。二十四韻而。  
諸子之詠。統有所藉。迺效作折楊柳曲。以。  
尾其後。云余念病已將優游。坐花亭中以。  
銷叢慮。而主人且行。又將訪三山高逸。定。  
方外交。而無與偕往。則山人之行。非助我。  
者明矣。然山人舊有名籍於天卿。今又能。  
談詩。結納明公間。則所謂誦詩而授之以。  
政。無乎弗達。使於四方。必能專對。是山人。

試其所長以用於世則又余之所樂聞也  
揚子江頭楊柳枝春來春去搖青絲送君遠  
行爲君折好向東風慰別離江南短亭勸君  
酒江北長亭一回首烟水茫茫不見人婀娜  
長條猶在手

答贈張幼于文學

我來大江之南賦遠遊三山之間行復休忽  
枉征車二萬里吳門獻歲還泊舟吳門二八  
高入雲春來佳氣何氤氲勝地不改蟠桃色

靈光常護千將文晨入城中事過走自慙齷齪  
龔耳升斗道逢士人白接罹顧余大笑執余  
手問爾無乃晉陸機蚤齡詞賦思如飛吳人  
自後不足數六代風流從此微 天朝文獻  
粲有徵顏風乃以博士興汝南父子方嗣響  
太原兄弟相陵嶒行歌不知巷道斜幽深似  
入山人家分曹指點金谷酒登臺折贈玉蘭  
花眼中歷歷吳下豪我來豈必非同袍大隱  
邨於廛市遠重閨不礙詩壇高座上相看日

卓午俗慮都忘論太古江湖之上足英雄琴  
樽以外皆塵土酒闌閑上要離墳共倚東風  
遲夕曛即今秋盡三山瘦獨坐高齋正憶君

燕州別駕行

少小學狂兒功名富貴何足爲束髮攻詞賦  
此身肯爲儒冠誤但知世上有英雄豈必床  
頭守章句東海之濱南山之垠耕田鑿井歌  
帝仁長年願作無懷民不願出爲唐虞臣一  
朝鄉里相驅迫橫加束縛嬰其身九叩天闕

一宰山縣千里移官萬里乘傳自知軾軻良  
苦辛他人爲我傷貧賤 聖明天子踐明堂  
股肱惟良庶事康小臣碌碌思激昂吾當行  
君出祖酒酣拔劍爲君舞江南信美非吾土  
六我豪華安足數燕州別駕氣若虹不知塞  
外與塞中